

三河縣志卷之十六

藝文志下

雜著

戊午九月五日恭迎聖駕奉皇太后東幸湯泉 任 塾

丹岩方望幸翠輦欲東遊別闢畬間道無妨穫後穫 從邑西北田間開道

距大道二十餘里 掘衣親洒掃相杵共歌謳想見經過處龍文五彩浮

溫泉堪適意大孝奉慈宮獨捧鑾輿穩非馳羽獵雄刊山危石

徙架壑彩橋通億載應傳記嵩呼此路中

引繩方就直注水欲觀平香草無留茁晴沙不斷明神靈成夾

扈風雨是前旌定察慈顏喜車邊道邑名

庚午仲冬東謁皇陵回都宿三河題壁 鎮國公 失 名

三河縣志 卷十六 藝文志下 雜著 一

客舍雞聲早寒林宿鳥啼覺來尋好夢曉月照窗西

修學紀事

任 塾

帝城開北極洵邑處東偏左輔長環衛雄關本接連郭遺唐晉

制星應尾箕躔首善風先被多文俗未遷餘風留白恰故物有

青氈人解親墳典家爭習管絃芹宮氣鬱鬱槐市路平平揖讓

章縫內雍容簾簾邊儒言傳習省聖教服膺拳蟾月三秋步鵬

雲萬里騫登朝誇玉笋歸院詫金蓮不謂妖氛起那知殺氣纏

亂兵駢白刃烈火縱炎烟廢里荆榛長遺區瓦礫填師儒星落

落鬢序草芊芊砌沒迷行道墻傾改幅員連甕俱就圮一木曷

扶顛乘喜牛羊茁墟嗟鼠雀穿旁風吹座近中月落庭圓蟲噉

編鐘簾狐眠舍菜筵寒兵燒檻木醉豎枕臺磚委地松三尺支



門石一卷鶉衣方旅進鶴髮漫蹠蹠講肆那容膝齋居僅伏跽  
每愁彝土壤違問潔牲牲飽逸惟執袴塵燕在硯田舞空悽墜  
蝶歌斷咽寒蟬自愧循良日方司率迪權新硯將曷諉舊貫可  
仍沿畫版摹間架持籌計貨泉蕭齋安敗壁偃室任摧椽橙友  
分裘服妻孥減粥饘選才宜委幹鳩匠勿辭胼事豈三銖就功  
非一簣諼鳴鐘紳佩集執簿劍鋏聯服賈搯錐易爲農荷鍤便  
子來趨恐後義助躍俱前入谷勤斤削依山廣埴埏甃師陶侃  
運石問祖龍鞭頭屑俱無棄肱肩乃盡駢旣資羣力舉如積衆  
流涓次第經營合縈回氣脉連層樓雄海市仙閣幻山巔龍繞  
雕梁繪螭螭潤礎鐫穹碑兼鱗最麗勝儼璣璇主易師稱正龕  
存配位全巍峨增氣象美富表文宣几席東西設賁鋪左右懸

三河縣志

卷十六

藝文志下

修學紀事

二

方臺平若水甬道直於茲從我分行侍私諸兩翼翩其間鍾五  
百厥後厠三千列戟牙如指蹲獅峙比肩橋堪圍聽睹池豈任  
淤填喜有清流注母爲俗說牽密蘋浮半壁文藻躍三鱸莫莫  
宜供采依依可告虔尼山當月禱泗水迄今延祀並因親起祠  
尊教孝先服官稱宦業在里重鄉銓亦有餘薌及俱從聖澤綿  
紫薇攀桂接太乙照藜燃倏爾魁光逼超然帝座專仰瞻知有  
在肄習更無愆楊穩臯比襲堂高絳帳奉明倫三代共端本百  
王然百堵隨簪鼓層欄象蜿蜒虛櫺通日御別囿引靈駟桃李  
堪成徑榭楠欲覆阡禮門同出入學圃具周旋奕奕先生號魚  
魚弟子員前規行有蹈遺器捧無蹏旦夕鳴笙磬春秋職豆籩  
良金歸冶鑄瓦礫並陶甄俗化青衿美人歆玉樹妍信知興禮



樂端已靖戈鋌覓暇携琴過隨端舉義詮雅辭消鄙倍別解破  
拘攣一日毋吾長多生共爾緣宵衣天子聖東閣宰臣賢丹筆  
圖巖日黃金買駿年材原需杞梓芳不掩蓀荃惟學終爲貴欽  
哉盍勉旃

午日與白荆輝

冉德

熏風拂檻雨新晴好泛蒲觴思對兄坐飲良朋忘酒債窮愁佳  
節逼詩成庭前徒愧懸魚缺門上何須艾虎橫明日不嫌魚雅  
設還來挹水賦嚶鳴

題曹節婦碑後

彭鵬

曹家甲第昔雲連不辨今誰牧馬眠剩得婦貞傳片石行人還  
有話當年

三河縣志

卷十六

藝文志下

題咏

三

劉頓齋遺集被焚賦以誌感

胡任輿

漢代人文重蔚宗等身著作老虬松千秋未許窺斑豹一炬俄  
教付祖龍卷帙半隨烟霧散英華猶並露雲濃只今令子揚前

烈手澤頻應起孝恭

公名瑞遠次子  
繼觀字靈溥

劉頓齋遺集被焚賦以誌感

顧悅康

彭城聲譽著清時素行賢王足表師蠹簡蝕仙經術富著書充  
棟鬣毛衰他年不信亡三篋此日誰能補什詩却似祝融愛墨  
寶長留夏五郭公疑

題咏

重宿華山題壁

董訥

又到青峯頂山靈喜客來重尋精舍榻還把落霞杯雨過幽禽



靜窻隨倦眼開悠然圖畫裡一夕遠塵埃

### 甘泉寺

奚祿詔

馬踏雲根石磴斜山腰抱處有僧家三峯塔外懸酣日萬木叢  
中隱雜花殘燒尚餘唐院落定香空謝梵袈裟甘泉悔作楊雄  
賦回首荒城聽晚笳

### 過錯橋作

劉希彝

見名勝志

錯橋臨七渡山色繞洵陽地脉沿溪潤春波到海長河容開麗  
景樹影弄晴光川上情何極東遊憶故鄉

### 渡三河詩

呂高

見江峯集

白馬渡三河春風起綠波天圍燕樹合山繞漢宮多落電流弓  
影青雲遏劔歌邊烽方欲息吾待問魚簑

### 三河縣志

卷十六

藝文志下 甘泉寺

四

### 宿錯橋作

宋 裴

見燕石集

偶來城下錯橋西神樹栖鴉迫暮啼數騎東來飲河水一聲羗  
笛碧雲低

### 遊滿井

袁宏道

出東門子城古道三五折破石蹶荒邱云是故元碣燒柳發柔  
條臥槎吐紅節石溝注涓水寒鑑寫空潔燕女競遊驂羅襪帶  
香雪梅花堆箭髻波影動文纈青山酣遠客新鳥困啼舌紅塵  
來頻頻可消奔馳熱

### 蚤發蘆溝橋百里至孤山口

姜宸英

日出亂烟霧崇崗互迴伏鷄鳴指前村數家連山足朔氣何茫  
茫草短狐兔逐東望漁陽塞西眺燕山麓五季昔交訂游居非



一族此地即戰場舊事滿陵谷窄逕沿洄溪兢陵渡馬腹孤山  
忽在眼近寺露深屋僧野少逢迎碑殘試捫讀中堂一燈靜戶  
外羣峯矗月漏白松頂清光了可掬即事多所歡誰能眠出縮  
山風打牕櫺夜闌酒更續

止孤山普濟寺

朱彝尊

曉辭盧溝河暮踰韓姑砦荒榛取綫路亂塢湧東界峯廻削  
峽吸水涸失涔派啞啞饑鳥集窸窸病葉敗返景寒易收陰  
暝愈怪俄而樵歌歇近寺響僧唄言投水晶域栖止得所  
屆山瓶溫凍釀冬窖出秋菜坐久霜月高起行猶未憊道遙  
青松陰於心豈不快

題臨洵八景

三河縣志

卷十六

藝文志下  
止孤山普濟寺

五

邑令任塾

稻畦荒圃似江南爲有流泉出地甘石漱千珠寒雨落山圍一  
境碧天涵浣來衣冷和秋月汲處瓶香帶夕嵐安得鑿渠通郭  
繞不煩符調及僧庵靈泉漱玉

山骨嶙峋啓半圭涓涓石乳挾青泥疎河導脈纔成竇亂草藏  
流不滿溪潤入華池誇玉液冷傾銀海勝金鏡一瓶歸待烹香  
茗卻畏山靈不敢攜聖水流丹

晴曉人依渡口船水光極目渺無烟風催玉杼還成穀日浴晶  
盤不定圓飲犢乍沉波漾漾戲鴻初下影娟娟人間自有明河  
派惆悵難令烏鵲填七渡晴瀾

突兀纔能占一邱更無培塿漫夷猶祗看峯翠生空際遙揖烟



青在別州嶺半鶴歸松杪迴洞邊猿守石門幽捫蘿我欲登縹  
緲四望平原緣滿疇孤峯挺秀

蓼花菰葉滿迴塘暮鴈參差落影長蟹火照來還顧語漁歌驚  
斷不成行身隨一抹孤汀月夢待三更兩岸霜點破蒼茫秋色

動畫圖何處是瀟湘

南塘落鴈

層山落日漸成霞樵客呼羣類麝麝風動草衣隨返犢月明莎  
笠亂歸鴉行歌響入疎林近荷擔行分小徑斜已傍疎籬漫回

首蒼蒼舊路暮雲遮

北兔歸樵

翠滴春山暄景臨片雲觸石起無心陰移漠漠過丹壑白照粼  
粼映碧岑漸覺中天能捧日即看遍宇欲爲霖岩間仙客飄飄

影鶴背應知濕滿襟

陀嶺春雲

三河縣志

卷十六

藝文志下  
題臨洵八景

六

澹蕩秋池白鳥依雪毫點綴碧雲機泥中引子穿荷路月下啣  
魚立釣磯人影過橋驚暫起山光入鏡照斜飛晚烟近浦霜華  
遍一一圓沙宿處歸

月池秋鷺

陳基

巖流銀漢脉靈液漱成川誰琢一痕玉能通三面泉法雲噓絕  
壁驟雨瀉晴天所冀穿渠遍常滋郭外田

何年留聖水此地有泉流隔膜金篋啓新奩玉液浮丹鑪融遠  
嶂乳竇滴清秋靜聽泠泠韻還當豁兩眸

渡口光搖碧晴波瀲灩寬斷橋依落日釣艇動微瀾渚荇沉陰  
細林花入澗寒依稀瀧七里擬拂子陵竿

孤萼亭亭峙高占秀色空平疇鋪遠水老樹走清風雨澗苔層



綠霞歸塿半紅何當凌絕頂一望薊門通

陀領疑膚寸騰空勢莫攀無心遙出岫有用不藏山擁日青梁

口為霖綠墅間閒尋坡老句好作撻雲還

坡公有撻雲篇常云行案棧中見石罅間

烟氣如縷行人衣袖中皆雲也

樵罷興歸思山風動笠簑徑開紅樹杪擔荷白

雲多憤返烟縈墅雞栖日下坡惟聞橫笛吹先後起清歌

旅鴈驚寒早迴翔落晚塘荻花江月白香稻澤田黃影寫清秋

色聲聯紫塞行漁歌催陣起歸夢繞洵陽

一片秋池月風光白鳥依清姿爭著潔瘦影不添肥氣爽雲生

翼波平鏡舞衣為憐沙水淨久立共忘機

論曰太史公有云載藉極博又云擇言尤雅是知欲言之雅馴

惟博而後能擇也三河為畿左衝衢當明季蹂躪之時名人著

三河縣志

卷十六

藝文志下 題臨洵八景

七

述大半遺佚而又素無刻志蒐輯無人當時縹緲卷帙蝕於兵燹者半蝕於風雨者又半求其斷簡殘編且不可得又安得博考而擇之也雖然旁搜遐攬藝文雖僅數篇而或有裨風化或有利民生率皆窮智究慮玉潤珠輝其餘或紀名勝或誌名賢有地以文傳者有人因地傳者要亦可以知人可以觀政誰謂約之精非言之雅者哉